



Til adressatar i følgje liste

Saksbehandlar, innvalstelefon

Tom Dybwad, 5764 3123

Kvist naturreservat – vedtak om oppretting etter prosedyren for frivillig skogvern

Regjeringa gjorde i statsråd 21.06.2019 vedtak ved kgl.res. om å opprette/utvide i alt 29 skogvernområde i medhald av naturmangfaldlova gjennom ordninga om frivillig vern. I Sogn og Fjordane gjeld det;

- Kvist naturreservat i Balestrand kommune, Sogn og Fjordane fylke
- Flostranda naturreservat i Stryn kommune, Sogn og Fjordane fylke

Alle som har hatt oppretting av Kvist naturreservat på høyring, vert underretta om vedtaket, og får tilsendt vernekart og verneforskrifter i dette brevet, sjå vedlegg.

Klima- og miljødepartementet (KLD) har bede Fylkesmannen gjere vedtaket kjent for fylkeskommunen, kommunane, grunneigarar og andre lokale/regionale instansar/interessegrupper. Alle som har hatt saka på lokal høyring skal underrettast om vedtaket. Foredraget til kongeleg resolusjon ligg på KLD sine heimesider, www.kld.dep.no. Alle som ønskjer det, kan vende seg til Fylkesmannen for å få papirkopi av vernekartet.

Klima- og miljødepartementet (KLD) vil sende vedtaket til tinglysing på dei gnr./bnr. som det gjeld, og syte for kunngjering i Norsk Lovtidend (avd. II, lokal og regionale forskrifter), og gjere vedtaket kjent for sentrale høyringsinstansar og Miljødirektoratet.

Fylkesmannen ber om at fylkeskommunen og kommunane tek vare på forskrifter og kart slik at områda blir innarbeidde i arealplanlegginga.

Fylkesmannen gjer grunneigarar og andre lokale instansar merksame på at dersom ikkje anna er nemnt i verneforskriftene, gjeld viltlova, lakse- og innlandsfisklova og lov om motorferdsel i utmark og vassdrag.



Klima- og miljødepartementet (KLD) har gjeve Fylkesmannen i oppdrag å sjå til at det blir gjennomført naudsynt merking, skilting og kartfesting ved ajourføring av økonomiske kartblad.

Fylkesmannen i Sogn og Fjordane er delegert forvaltningsstyresmakta for Kvist naturreservat.

Om erstatning

Ved frivillig skogvern har grunneigarane i områda medverka frivillig i verneprosessen, og at erstatningssummane er avtalte på førehand. Dette er i samsvar med ordninga som er utarbeidd for frivillig vern av skog i Noreg. Erstatningsbeløpet vil bli utbetalt kort tid etter at vernevedtaket er gjort.

For eventuelt areal eller rettar som ikkje er omfatta av ordninga med frivillig vern gjer Fylkesmannen grunneigar merksam på at det er reglane om erstatning i naturmangfaldlova §§ 50 og 51 som gjeld. Etter naturmangfaldlova § 50 kan eigarar av og rettshavarar i eigedom som vert freda som naturreservat, krevje erstatning av staten for økonomisk tap som er ein følge av vedtaket. Sidan erstatning allereie skal vere avklart og avtalar inngått, går vi ikkje nærare inn på reglane for erstatning som gjeld for reservatfreding i dette brevet utover at erstatning for vern som naturreservat skal utmål last i samsvar med utmålingsreglane i vederlagslova (ekspropriasjonserstatningslova).

Dersom du ønskjer meir informasjon om vernevedtaket eller har spørsmål om erstatning eller anna, er du velkomen til å ta kontakt med sakshandsamar hos Fylkesmannen, som er seniorrådgjevar Tom Dybwad, tlf. 57 64 31 23 eller miljødirektør Kjell Kvingedal, tlf. 55 57 23 12.

Med helsing

Kjell Kvingedal
miljødirektør

Tom Dybwad
seniorrådgjevar

Dokumentet er elektronisk godkjent

Vedlegg:

Kart over Kvist naturreservat

Verneforskrift for Kvist naturreservat

Adresseliste:

Verdens Naturfond (WWF Norge)

Direktoratet for mineralforvaltning

Statens vegvesen region vest

Visit Sognefjord

Sognekraft



SABIMA

Universitetsmuseet i Bergen

Sogn og Fjordane avd. NOF v/ Anders Braanaas

Norges Jeger- og Fiskerforbund NJFF Sogn og Fjordane

Naturvernforbundet i Sogn og Fjordane

Høgskulen på Vestlandet v/avd. for naturforvaltning Sogn og Fjordane

Norodd Baug

Norges Skogeierforbund

Avinor

Forsvarsbygg

Sogn og Fjordane Skogselskap

Norges vassdrags- og energiverk, region vest

Balestrand Skogeigarlag v/ Jan Myklebust

Oddbjørg Sande

Telthusvegen 9 6893 VIK I SOGN

Klima- og miljødepartementet

Luftfartstilsynet

Fortidsminneforeningen

Den Norske Turistforening DNT

Sogn og Fjordane fylkeskommune

Balestrand og Høyanger Turlag v/Knut Strømmen

Balestrand kommune

Norges geologiske undersøkelse (NGU)

Sogn og Fjordane Turlag

Sogn og Fjordane Bonde- og Småbrukarlag

Sogn og Fjordane Bondelag

Kurt Langeteig

Marit Nesse Wiik

Vestskog

Norsk Skogbruksforening NORSKOG

Norsk institutt for naturforskning NINA

Det Norske Skogselskap

Statnett

Norsk organisasjon for terrengsykling - NOTS

Forum for naturog friluftsliv Sogn og Fjordane

Nesse Grendelag v/ Norodd Baug

Balestrand Bondelag v/Jon Asbjørn Målsnes

Riksantikvaren

Norges Naturvernforbund

Technogarden (nødnett)

Balestrand jeger- og fiskarlag v/Marit Perny Haram Vannes

Norsk ornitologisk forening (NOF)


Stadnamntenesta på Vestlandet

Norges Jeger- og Fiskerforbund NJFF

Vest Politidistrikt



Vedlegg: Kart over Kvist naturreservat





Vedlegg: Verneforskrift for Kvist naturreservat

Forskrift om vern av Kvist naturreservat, Balestrand kommune, Sogn og Fjordane

Fastsett ved kongeleg resolusjon 21. juni 2019 med heimel i lov 19. juni 2009 nr. 100 om forvaltning av naturens mangfald (naturmangfaldlova) § 34 jf. § 37 og § 62. Fremja av Klima- og miljødepartementet.

§ 1. (føremål)

Føremålet med naturreservatet er å verne eit skogområde som er særleg viktig for biologisk mangfald ved at det inneheld mange skogs- og vegetasjonstypar med både rik lauvskog og høgareliggjande furuskog og bjørkeskog. Vidare er føremålet å verne eit område som representerer ein bestemt type natur ved at større delar har areal med urskogprega fjellskog, i tillegg til høgproduktiv gamal låglandsfuruskog, og ein kontinuerleg gradient frå fjord til fjell.

Det er ei målsetjing å ta vare på verneverdiane i mest mogleg urørd tilstand, med stadeigne artar og naturtypar og naturleg skogdynamikk, og eventuelt vidareutvikle dei.

§ 2. (geografisk avgrensing)

Naturreservatet omfattar følgjande gnr./bnr.: Balestrand kommune: 80/1, 81/1, 81/2, 81/3.

Naturreservatet dekker eit totalareal på ca. 1740 dekar. Grensene for naturreservatet går fram av kart datert Klima- og miljødepartementet juni 2019. Dei nøyaktige grensene for naturreservatet skal merkast i marka. Knekkpunkta skal koordinatfestast.

Verneforskrifta med kart vert oppbevart i Balestrand kommune, hos Fylkesmannen i Vestland, i Miljødirektoratet og i Klima- og miljødepartementet.

§ 3. (vernereglar)

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande vernereglar:

- a) Vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp inkludert lav eller deler av disse frå naturreservatet. Planting eller såing av tre og annan vegetasjon er forbode.
- b) Dyrelivet, medrekna reirplassar og hiområde, er verna mot skade, øydelegging og unødige forstyrring. Utsetting av dyr er forbode.
- c) Det må ikkje settast i gong tiltak som kan endre naturmiljøet, som f.eks. oppføring av bygningar, anlegg, gjerder, andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkleidningar, bygging av veger, drenering eller anna form for tørrlegging, uttak, oppfylling eller lagring av masse, utføring av kloakk eller anna konsentrert ureining, etterlating av avfall, gjødsling, kalking eller bruk av kjemiske plantevern- eller skadedyrmiddel. Forsøpling er forbode. Opplistinga av tiltak er ikkje uttømande.
- d) Bruk av naturreservatet til større arrangement er forbode.
- e) Bålbrenning er forbode.

§ 4. (generelle unntak frå vernereglane)

Vernereglane i § 3 andre ledd er ikkje til hinder for:

- a) Beiting
- b) Sanking av bær og matsopp.
- c) Jakt og fangst i samsvar med gjeldande lovverk.
- d) Oppsetting av mellombelse, mobile jakttårn for storviltjakt.
- e) Rydding av skotfelt ved jaktpostar slik at feltet er fritt for vegetasjon etter retningslinjer i forvaltningsplan.
- f) Felling av store rovdyr i samsvar med gjeldande lovverk.
- g) Utsetting av saltstein.



- h) Vedlikehold av eksisterende bygningar, gapahukar, jakttårn, stiar, bruer og andre anlegg og innretningar, i samsvar med tilstand på vernetidspunktet.
- i) Merking og rydding av eksisterende gamle stiar vist på vernekartet etter retningslinjer i forvaltningsplan.
- j) Rydding av stiar for ferdsel og sanking av beitedyr etter retningslinjer i forvaltningsplan slik at dei kan heldast opne etter vindfall og liknande.
- k) Rydding av vegetasjon og slått kring stølsvollen til stølen Raundalen etter retningslinjer i forvaltningsplan
- l) Hogst av tre med rot diameter mindre enn 20 cm til bruk som ved på stølen Raundalen etter retningslinjer i forvaltningsplan.
- m) Ringbarking og felling av gran etter retningslinjer i forvaltningsplan.

§ 5. (regulering av ferdsel)

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a) Motorferdsel på land og i vatn er forbode, medrekna landing og start med luftfartøy.
- b) Utanom eksisterende vegar og stiar vist på vernekartet, er bruk av sykkel, hest og kjerre, og riding forbode.

§ 6. (generelle unntak frå ferdselsreglane)

Ferdselsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsaugemed, og gjennomføring av skjøtsels- og forvaltningsoppgåver som er bestemt av forvaltningsstyresmakta. Unntaket gjelder ikkje øvingsverksemd.

Ferdselsreglane i § 5 andre ledd er ikkje til hinder for:

- a) Naudsynt motorferdsel i samband med uttransport av sjuke og skadde bufe. Køyretøy som vert nytta skal vere skånsamt mot markoverflata. Det skal gjevast melding til ansvarleg oppsyn for verneområdet i forkant av køyring.
- b) Naudsynt uttransport av felt elg, hjort og bjørn med lett beltekøyretøy som ikkje set varige spor i terrenget, og med traktor eller lett terrengkøyretøy på eksisterende traktorvegar vist på vernekartet.
- c) Landing og start med Forsvaret sine luftfartøy.

§ 7. (spesifiserte dispensasjonsreglar)

Forvaltningsstyresmakta kan etter søknad gi dispensasjon til:

- a) Tiltak i samband med forvaltning av vilt og fisk.
- b) Istandsetjing av bygningar, steinmurar, bruer og andre kulturminne etter samråd med kulturminnestyresmaktene.
- c) Bygging av nye klopper til erstatning for gamle.
- d) Oppsetting av nye fleirårige gapahukar og jakttårn dersom hjorteviltet endrar trekk.
- e) Naudsynt motorisert transport av ved, material og utstyr til hytter innanfor verneområdet.
- f) Naudsynt motorferdsel for å fjerne gran felt i samsvar med § 4 l.
- g) Gjenoppføring av bygningar, anlegg eller innretningar som er gått tapt ved brann eller naturskade, og naudsynt motorferdsel for dette.
- h) Merking og rydding av nye og gamle attgrodde stiar, og oppsetting av turpostar.
- i) Tilretteleggingstiltak på eksisterende stiar.
- j) Bruk av naturreservatet i miljøtilpassa reiselivsverksemd etter plan godkjend av forvaltningsstyresmakta.
- k) Naudsynt motorferdsel i samband med aktivitetar nemnd i § 4 g, h, l og § 7 a, b, c og i.



§ 8. (generelle dispensasjonsreglar)

Forvaltningsstyresmakta kan gjere unntak frå forskrifta dersom det ikkje strir mot føremålet med vernevedtaket og ikkje kan påverke verneverdiane nemneverdig, eller dersom omsyn til tryggleik eller omsynet til vesentlege samfunnsinteresser gjer det naudsynt, jf. naturmangfaldlova § 48.

§ 9. (skjøtsel)

Forvaltningsstyresmakta, eller den forvaltningsstyresmakta bestemmer, kan setje i verk tiltak for å oppretthalde eller oppnå den natur- eller kulturtilstanden som er føremålet med vernet, jf. naturmangfaldlova § 47.

§ 10. (forvaltningsplan)

Det skal utarbeidast forvaltningsplan med nærare retningslinjer for forvaltning av naturreservatet. Forvaltningsplanen kan innehalde nærare retningslinjer for gjennomføring av skjøtsel.

§ 11. (forvaltningsstyresmakt)

Miljødirektoratet fastset kven som skal vere forvaltningsstyresmakt etter denne forskrifta.

§ 12. (ikrafttsetjing)

Denne forskrifta trer i kraft straks.